

Fitjar sokneråd møtereferat

Utval: Fitjar sokneråd

Møtestad: Kyrkjestova

Dato: Torsdag 21.11.2024

Tid: Kl. 18.30 - 21.00

Ord for dagen: Kari Raunholm les Jon Fosse

Desse møtte:

Svein Lunde Leiar

Anne Marie Røed Nestleiar

Anne Kristin Skår Medlem

Håkon Rydland Sæbø Medlem

Mette Elisabeth Lambach Medlem

Kari Raunholm Medlem

Olav J. Oma Sokneprest

Gisle Levåg kommunal representant

Henrik Træet, vara

Fitjar, 21.11.2024

Olav J. Oma, skrivar

Sakliste:

2024/61 012.1 Godkjenning av innkalling og sakliste X

2024/62 012.1 Godkjenning av referat frå sist møte X

2024/63 Soknepresten orienterer om arbeidet i kyrkjelyden X

2024/64 Rekneskapsrapport for januar-september 2024 X

2024/65 Møteplan for 1. halvår 2025 X

2024/66 Meldingar X

2024/67 Open post X

2024/68 Høyring om valordning

2024/69 Gudsteneste- og kollektliste for 1. halvår 2025

2024/70 Søknad om fritak som medlem i soknerådet

2024/71 Evaluering av frivilligfest

2024/72 Val av leiar og nestleiar

Vedlegg

1. Referat frå gudstenesteutvalet
2. Notat om gudstenesteordning (*denne er blitt kalt forordning*)
3. Gudstenesteliste for 1. halvår 2025
4. Brev til kommunen om vassavgifta for 2023
5. Møteplan/årshjul for 2025
6. Brev om kyrkja si valordning (utkast)
7. *Melding frå barnehagen*

Sak 2024/61 012.1 Godkjenning av innkalling og sakliste

Vedtak:

Innkalling og saklister er godkjent.

Sak 2024/62 012.1 Referat frå sist møte

Evt. merknader til referatet kan fremjast i møtet.

Vedtak:

Soknerådet stadfester referat med protokolltilførsel frå Håkon til møte den 19.09.2024. Den vert lagt inn i protokollen frå det møtet.

Sak 2024/63 Soknepresten orienterer om arbeidet i kyrkjelyden

Vedtak:

Soknerådet tek orienteringa til vitande.

Sak 2024/64 Rekneskapsrapport for januar-september 2024

Økonomireglementet for Fitjar sokn har med at soknerådet skal få framlagt rapport over det økonomiske resultatet gjennom året. På dette møtet vert det rapportert for perioden januar – september. Kyrkjekontoret har i år overteke meir av det daglege arbeidet med økonomi og rekneskap.

Tidlegare har kommunen sin økonomiavdeling v/ Atle Vestbøstad hatt ansvar for dette. Atle har vore til stor hjelp med opplæring, slik at våre eigne medarbeidarar har fått kunnskapen som skal til.

I desse dagar er me i ferd med å komma ajour med rekneskapa fram til september. Rapporten vil difor bli lagt fram og gjort greie for i møtet. Då vert det og høve til å stilla spørsmål til det som vert lagt fram.

Vedtak:

1. Soknerådet tek resultatrapporten for januar – september 2024 til vitande.
2. Soknerådet ynskjer hyppigare framlagt rekneskap.

Sak 2024/65 Møteplan for 1. halvår 2025

Framlegg til møteplan er vedlagt innkallinga. Det er i framlegget lagt opp til møte kvar månad med møtedag på torsdag og tidsramme for møta kl. 18.30 – 21.00. Arbeidsutvalet har som regel førebuingssmøte to veker før soknerådsmøtet. Dersom det er eigne tema eller saker soknerådet vil merka av i møteplanen er det fint om det vert sagt frå om i møtet.

Vedtak:

- a) 20. feb ikkje 27.
- b) siste AU er 5. juni ikkje mai.
- c) Årsmøte, det er ønskeleg å ha det tidlegare enn sist i mai.

Soknerådet godkjenner møteplanen for 1. halvår 2025 med dei endringane som vart lagt til i møtet.

Sak 2024/66 Meldingar

Under meldingar vil det verta lagt fram informasjon om m.a. desse sakene:

- a) Nytt brev frå kommunen om vassavgifta for 2023 (Kyrkjevevja)
- b) Status for gravplassprosjektet (Kyrkjevevja)
- c) Referat frå møte i gudstenesteutvalet (Soknepresten)

d) Notat om gudstenesteordninga (Soknepresten)

e) Behov for ny klokkar frå nyttår. Harald Johan Sandvik går av som klokkar til jul. Vi har per no 5 gode klokkarar, og treng minst ein til (Soknepresten)

f) Melding frå Tom om barnehagen.

Nytt namn: Bakken Kystbarnehage – ei trygg hamn –

Sak 2024/67 Open post

Ein ideqr -kode på vippsen synleg i kyrkja

Ein til ide Kyrkjelydshus/ soknehus

Sak 2024/68 Høyring om valordning for kyrkja

Under evalueringa etter soknerådsvalet hausten 2023 utarbeidde soknerådsleiaren og kyrkjevevja eit brev om manglar i valordninga, m.a. på det som gjeld førehandskumulering på listene. No har kyrkjerådet ute ei høyring som handlar om akkurat slike tema, der soknerådet er invitert til å komma med høyringssvar. Leiaren vil at soknerådet drøftar saka og gjerne gjer vedtak om kva som skal sendast inn i samband med høyringa. Det kan vera fleire tema som kan vera aktuelle å ta med i eit høyringssvar. De finn utkastet som vart skrive hausten 2023 som vedlegg til innkallinga.

Her har de lenke til høyringa: <https://www.kirken.no/nb-NO/om-kirken/slik-styreskirken/kirkeradet/hoeringer-fra-kirkeradet/rammer%20for%20kirkevalget%202024/>

Vedtak:

Rådet støttar framlegget som vart lagt fram i møtet.

Sak 2024/69 Gudsteneste- og kollektliste for 1. halvår 2025

Gudstenesteutvalet har utarbeida framlegg til gudsteneste- og kollektliste for 1. halvår 2025.

Soknepresten vil orientera soknerådet om saka på møte.

Vedtak:

Soknerådet godkjenner den framlagde gudsteneste- og kollektlista for 1. halvår 2025.

Sak 2024/70 Søknad om fritak som soknerådsmedlem

Bård Inge Bø har komme med søknad om fritak frå vervet som medlem av Fitjar sokneråd for resten av valperioden. Søknaden er grunngjeven med utfordringar med helsa som gjer at det er for krevjande å ivareta vervet på ein god måte.

I ordninga for Den norske kyrkja som kyrkjerådet fastsette 30. mars 2019 står det slik om det som er relevant for vår sak:

§ 10 Uttreden av menighetsrådet i valgperioden

Menighetsrådet kan etter søknad fritta, for et kortere tidsrom eller resten av valgperioden, den som ikke uten uforholdsmessige vanskeligheter eller belastning kan skjømte sine plikter i vervet.

Slik teksten er utforma er det mykje opp til soknerådet sitt skjøn å avgjera om eit medlem skal få fritak frå vervet eller ikkje. Når grunngjevinga i vår sak er helsemessige utfordringar bør soknerådet rekna dette som god nok grunn for å gje fritak.

Etter den same paragrafen skal første vara tre inn som fast medlem frå det tidspunkt som fritaket vert gjeve.

Vedtak:

Fitjar sokneråd gjev Bård Inge Bø fritak frå vervet som medlem i soknerådet for resten av valperioden. Lillianne Drønen Jæger trer inn som fast medlem i soknerådet.

Sak 2024/71 Evaluering av frivilligfesten på Fitjar Bedehus

Gudstenesteutvalet arrangerte frivilligfest på Fitjar Bedehus måndag den 4. november. Dei ynskjer at soknerådet tek ei evaluering av arrangementet. Medlemer frå gudstenesteutvalet vil gje meir informasjon på møtet.

Merknadar til festen i møtet:

Kjekt at soknerådet var med.

Frivilligfest kan godt arrangerast årleg,

Open invitasjon! Alle som er glad i kyrkja.

Lurt å ha påmelding.

Kunne gått på rundgang mellom utvala!

Vedtak:

Ikkje vedtak.

Sak 2024/72 Val av leiar og nestleiar

Det har vore vanleg at Fitjar sokneråd vel leiar og nestleiar for eitt år på det siste rådsmøte for året.

Svein Lunde er for tida leiar medan Anne Marie Røed er nestleiar. Kyrkjeverja gjer ikkje meir med saka enn å setja den på saklista. Soknerådet må sjølv finna kandidatane til dei to verva og gjennomføra valet. Sokneprest Olav J. Oma har for tida oppdraget med å skriva referat frå soknerådsmøta. Om han skal halda fram med det, eller soknerådet vil ha ei anna ordninga, kan og takast opp i denne saka.

Vedtak:

8 røysteføre

Leiar Svein Lunde, attvald 7 for, 1 blank.

Nestleiar Anne Marie Røed, attvald 7 for, 1 blank.

Kari Raunholm, tek over som sekretær første halvår 2025.

Møtet ferdig til 21.00